

古本琵琶記匯編

冊五

00774027

集部
曲類
9:5

瑞安市人民政府編纂
孫崇濤 主編

古本琵琶記匯編

冊五

中華書局

校錄凡例

一 因本書已影印底本，本校錄僅旨為一般讀者提供通行可讀的以國家現行繁體漢字排印的過錄本，便於推廣古本。

二 各校錄本在盡力保留底本原貌和保持體例基本統一的原則下，對底本明顯的錯漏衍殘等現象，作適當校正或標記，並酌情保存各種古本的某些個性特徵，不強求體例完全一致。

三 凡校正的錯別字，均標以方括號「」，附于原文之下。脫漏增補的字及曲牌、詞牌、腳色名目等，皆於所補字的右旁，標注實心黑點符號「·」；應刪除的衍文，則標以空心圈號「○」。

四 底本殘缺及漫漶難辨的字，十字以內，以方格號「□」代替，方格數與字數對等；十字以上或字數不明者，用長方框代替，並注明「約闕×字（或行，或葉）」。

五 富有時代特徵的別體字、通假字，如「喫」「吃」「盃」「杯」「咱每」「們」「分付」「吩咐」等，適當保留。普遍通用的異體字，酌情並存。繁簡轉換義異的字，如「醜」與「丑」、「幹」與「干」等，嚴予區分。

六 斷句採用圈斷形式。底本已有句讀者，悉照底本句讀斷句，正誤無論。底本無

句讀者，兼顧格律與文意斷句，格律與文意不諧，側重格律。

七 底本已有分齣者，悉照底本。底本連書未分齣者，於各齣間，空二行標明。底本連書而有圖題提示齣段者，圖題移置各齣段正文之前，並空行標明。

八 底本曲、白字號舛錯者，逕正。底本科介、曲牌等符號明顯錯標者，逕改；明顯脫漏者，逕添。

九 曲文用小四號宋體，有正衬區分的底本，衬字以小四號仿宋相區別，白、科介則用小五號宋體區別。

十 《淩刻臞仙本琵琶記》眉批悉數保留，而夾批則以小字括注形式保留，唯原本點板不再過錄。

新刊摘匯奇妙戲式全家錦囊伯皆

孫崇濤校錄

新刊摘匯奇妙戲式全家錦囊伯皆一卷

汝水 雲崖 徐文昭 編輯
書林 詹氏 進賢堂 梓行

敷演關目

尊前惟聽奇新曲
萬民盡唱太平歌

〔水調歌〕秋燈明翠幙。夜案覽芸編。今來古往。其間故事幾多般。少甚佳人才子。也有神仙幽怪。瑣碎不堪觀。正是。不關風化體。縱好也徒然。論傳奇。樂人易。動人難。知音君子。這般另做眼兒看。休論插科打扮。也不尋宮商數調。只看子孝共妻賢。正是。驂騑方獨步。萬馬敢爭先。極富極貴牛丞相。施仁施義張廣才。有貞有烈〔烈〕趙真女。全忠全孝蔡伯皆。

華筵慶壽

迎祝春〔椿〕萱壽筵開
勝侶群仙下瑤臺

〔瑞鶴仙〕引〔生〕十載青燈火。論高才絕學。休誇班馬。風雲太平日。正驂騑欲騁。

魚龍將化。沉吟一和。垓。怎離他雙親膝下。且盡心甘旨。功名富貴。賦之天也。
〔寶鼎兒〕引〔外〕小門深巷裏。居〔春〕到芳草。人閑清晝。〔淨〕人老去星星非故。春
又來年年依舊。〔旦〕最喜得今朝新酒熟。滿目花開似繡。〔合〕願歲歲年年。人在花
下。長斟春酒。

〔淨〕孩兒請爹媽出來則甚麼。〔生〕告爹媽。人生百歲。光陰幾何。幸得爹媽年滿八旬。孩兒一則以喜。
一則以懼。當此春光。以屈〔介〕眉壽。如此將壽。為此孩兒一盃淡酒與雙親慶壽。將酒過來。

〔錦堂月〕〔生〕簾幙風柔。庭幃晝永。朝來峭寒輕透。人在高堂。一喜又還一憂。惟
願取百歲椿萱。長似他三春花柳。〔合〕酌春酒。看取花下高歌。共祝眉壽。

〔旦〕輻輳。獲配鸞儔。深漸〔慚〕燕爾。持盃自覺嬌羞。怕難主蘋蘩。不堪侍奉
箕箒。惟願取諧〔偕〕老夫妻。長侍奉暮年姑舅。〔合前〕

〔外〕還愁。白髮蒙頭。紅英滿眼。心驚去年時候。只恐時光。催人去也難留。
惟願取黃卷青燈。及早換金章紫綬。〔合前〕

〔淨〕還憂。松竹門幽。桑榆暮景。明年知他健否。怕蘭玉簫〔蕭〕條。一朵桂花
難茂。惟願取連理芳年。得早遂孫枝榮秀。〔合前〕

〔醉翁子〕〔生〕回首。看瞬息烏飛兔走。〔旦〕喜爹媽雙全。謝天相祐。〔生〕不謬。更清
淡安閒。樂事如今誰更有。〔合〕相慶處。但酌酒高歌。共祝眉壽。

〔外〕卑陋。論做人要光前耀後。勸我兒青雲萬里。早當馳驟。〔生〕聽剖。真樂在田園。何必當今公與侯。〔合前〕

牛氏深閨誠妾

嬌癡生長繡房中
喜得工容悉未通

牛氏誠妾

豔質自慚非德耀
多才深喜過梁鴻

〔祝英台〕〔占〕把幾分春三月景。分付與東流。〔丑〕鳥啼花落。你煩惱否。〔占〕啼老杜鵑。飛盡紅英。端不為春閒愁。〔丑〕你有閒愁。且去鶯〔薦〕賞否。〔占〕休休。婦人不出閨門。怎去尋花穿柳。〔丑〕不薦賞。只怕瘦子〔了〕你。〔占〕我花貌。誰肯因春消瘦。

〔丑〕春晝。只見燕子雙飛。蝶引隊。鶯語似求友。〔占〕你是人物。說那蟲兒佐甚麼。〔丑〕那更柳外畫輪。花底雕鞍。都是少年閒遊。〔占〕這賤人。你是婦人家。說那少年左〔佐〕甚麼。〔丑〕難守。孤房清冷無人。也尋一箇佳偶。〔占〕呀。賤人。你到思量丈夫呵。〔丑〕這般說。終身体配鸞儔。

〔占〕知否。我為何不捲珠簾。獨坐愛清幽。〔丑〕清幽。清幽。爭奈人愁。〔占〕千斛悶懷。百種春愁。難上我的眉頭。〔丑〕只怕你不長恁的。〔占〕休憂。任他春色年年。我的芳心依舊。〔丑〕只怕風流年少引著小姐。〔占〕這文君。可不耽閣了相如琴奏。

〔丑〕今後。方信你徹底澄清。我好沒來由。〔占〕你怎的不收了心呵。〔丑〕我想像暮雲。分付東風。請〔情〕到不堪回首。〔占〕你怎不學我。〔丑〕聽剖。你是蕊宮瓊苑神仙。不比塵凡相誘。〔占〕恁的自隨幾〔我〕習些女工便了。〔丑〕謹隨侍。窗下拈針挑繡。

休聽枝上子規啼。悶請停針不語時。

窗外日光彈指過。席前花影坐間移。

親強伯皆應試

北堂須奉雙親樂
鴛枕還期百歲同

太公勸邕赴

今年若向秋闈捷
來春應知畫錦堂

〔一剪梅〕〔生〕浪煖桃香欲化魚。期逼春闈。詔赴春闈。郡中空有聖〔辟〕賢書。心戀親幃。難捨親幃。

〔宜春令〕雖然讀。萬卷書。論功名非吾意。兒只愁親老。夢魂不到親幃裏。便教我做到九棘三槐。怎撇得萱花椿樹。我這裏腸。一點孝心對誰人語。

〔外〕相鄰並。相依倚。往常間有事來相報知。解元。試期逼矣。早辦行裝前途去。〔生〕雙親老了。不敢去。〔末〕子須念親老孤單。親雖望孩兒榮貴。趁此青春。不去更待何日。

解元還不肯去。更待老員外和老安人出來。看如何說。也只是勸解元去分曉。道尤未了。兀的是老員外來也。

〔外〕時光短。雪鬢垂。守清貧不圖著甚的。有兒聰惠。但得他為官吾足矣。〔外〕孩兒。天子詔招取賢良。秀才每都求科試。你快赴春闈。急急整著行李。

〔似娘兒〕〔生〕親年老光陰有幾。行孝正是今日。終不然為著一領藍袍。卻落後了戲綵班衣。思之。此行榮貴雖可擬。怕親老等不得榮貴。〔外〕孩兒。春闈裏紛紛大才。難道是沒爹娘的孩兒方去。

〔末〕解元。昏迷。男兒漢凌雲志氣。何必苦恁淹滯。可不干費了十載青燈。枉捱半世黃蠶。須知。此行是親志休故拒。秀才。你那些箇是養親之志。〔淨〕苦。百年事只有此兒。老賊。難道是庭前森森丹桂。

〔太師引〕〔外〕他意兒難提起。這其間就裏我自知。〔末〕他為著甚麼。〔外〕他戀著被窩中恩愛。捨不得離海角天涯。你是讀書人。我說箇比方與你。塗山四日離大禹。你直恁的捨不得分離。〔末〕秀才。你敢定如此麼。你貪鴛侶守著親幃。多誤了鵬程鶚薦的消息。

〔淨〕張太公。他意裏只要供甘旨。又何曾貪歡戀妻。自古道曾參行孝。何曾去應舉及第。功名富貴天付與。天若與不求雖來至。〔生〕娘言是。望爹行聽取。爹爹。孩兒若亦〔戀〕媳婦不肯去呵。天須鑒孩兒不孝的情罪。

〔三學士〕〔生〕謝得公公意甚美。凡事仗托扶持。假饒一舉登科日。難道是雙親未老

時。只恐錦衣歸故里。雙親的不見兒。

〔外〕萱室春〔椿〕庭衰老矣。指望你換了門閭。你休道無人供奉。你苦〔若〕做□〔官〕呵。三牲五鼎供朝夕。須勝似啜粥並飲水。你若錦衣歸故里。我便死呵。一靈兒終是喜。

〔末〕託在鄰家相倚依。我專當做此區區。秀才。你為甚十年窗下無人問。只圖箇一舉成名天下知。你若不錦衣歸故里。誰知你讀萬卷書。

〔淨〕一日〔旦〕分離掌上珠。我這老景憑著誰。苦。忍將父母飢寒死。博換得孩兒名利歸。你若還錦衣歸故里。補不得你名行虧。

急辦行裝赴試期。父親嚴命不敢違。
一舉首登龍虎榜。十年身到鳳凰池。

夫妻緒〔敘〕情

聞君射策上春官
妾在深閨淚暗彈

辭親起程

拜別匆匆上帝畿
金榜無名誓不歸

邕辭父母

倘若一舉成名日
願把佳音寄便鴻

送別南浦

配合夫妻情意別
名牽利鎖返鄉難

〔謁金門〕〔旦〕春夢斷。臨鏡綠雲撩亂。聞道才郎遊上苑。又添離別歎。〔生〕苦被爹

行逼遣。默默此情何限。骨肉一朝成拆散。可憐難捨掙。

〔旦〕解元。雲情雨意。須〔雖〕可抱〔拋〕兩月之夫妻。雪鬢霜鬢。更不念八旬之父母。功名之念一起。甘旨之心頓忘。是何道理。〔生〕娘子。休說那話。膝下遠離。豈無著〔眷〕戀之意。奈堂上父母力勉。不聽分割之辭。教卑人如何是得。〔旦〕我猜著你了。〔生〕你猜著甚的。

〔忒忒令〕〔旦〕你讀書思量做狀元。〔生〕娘子。自古道。水望低流人望高。我讀萬卷書。知千古事。若去求官時節。不做狀元。卻做甚麼。〔旦〕我只伯〔怕〕你學疎才淺。〔生〕我學也不疎。才也不淺。〔旦〕只是孝經曲禮。你早忘了一半。〔生〕我也不曾忘了。〔旦〕卻不道夏清與冬溫。昏須定。晨須省。親在遊怎遠。

〔生〕我哭哀哀推辭了萬千。那張太公呵。他鬧炒炒抵死來相勸。將我深罪。不田〔由〕人分辨。〔旦〕他罪你甚麼。〔生〕只道我戀新婚。逆親言。貪妻愛。不肯去赴選。〔醉東風〕〔旦〕你爹行見得你好偏。只一子不留在身伴〔畔〕。〔生〕我和你同去說呵。〔旦〕休休。他只道我不賢。要將你迷戀。苦。這其間怎不悲怨。〔合〕為爹淚漣。為娘淚漣。何曾淚〔為〕著夫妻上意牽。

〔生〕做孩兒節孝怎全。做爹行不由幾諫。呀。為你〔人〕子者。不當任他〔恁地〕說。也是要埋怨。只怕他影隻形單。我出去有誰來看管。〔合前〕〔外。淨〕

〔臘梅花〕我孩兒出去在今日中。爹爹媽媽來相送。但願得魚化龍。青雲得路。桂

枝高折步蟾宮。

〔外〕孩兒。行李收拾了未曾。〔生〕安排已了。〔外〕安排既了。如何不去。〔生〕孩兒正要亂〔辭〕爹媽去。〔園林好〕兒今去。爹媽休得要意懸。兒今去今年便還。但願得雙親康健。〔合〕須有日拜堂前。須有日拜堂前。

〔外〕我孩兒不須得掛牽。斧〔爹〕只望孩兒貴顯。若得你名登高選。〔合〕須早把音信傳。須早把音信傳。

〔江兒水〕〔淨〕膝下嬌兒去。堂前老母單。臨行時只得密縫針線。眼巴巴望首〔著〕關山遠。冷清清倚定門兒遍。〔生〕母親。且寬懷逍遙則箇。〔淨〕叫我如何消遣。兒〔合〕要解愁煩。須是寄箇音書回轉。

〔旦〕奴的衷腸事。有萬千。〔生〕妻。你有甚事。說來與我知道。〔旦〕我說來時又恐怕添縈絆。〔生〕說有何方〔妨〕。〔旦〕六十日夫妻恩情斷。八十歲父母教誰人看管。〔生〕娘子這般說。莫不怨我。〔旦〕教我如何不怨。〔合前〕

〔尾聲〕生離死別都休歎。專望你名登高選。衣錦還鄉教人作話傳。

此行勉強赴春闈。專望明年衣錦歸。

世上萬般哀苦事。無過無〔死〕別共生離。

〔尾犯序〕〔旦〕無限別離情。兩月夫妻。一旦孤冷。此去經年。望迢迢玉京。思省。

奴不慮山遙路遠。奴不慮衾寒枕冷。奴只慮。公婆沒主。一旦冷清清。

〔生〕何曾。想著那功名。欲盡子情。難拒親命。我年老爹〔爹〕娘。望伊家看承。畢竟。你休怨朝雲暮雨。只替首〔著〕我冬溫夏清。思量起。如何教我。割捨得眼睜睜。

〔旦〕儒衣纔換青。快首〔著〕歸鞭。早辨〔辨〕回程。十里紅樓。休重娶娉○〔婷〕。叮嚀。不念我芙蓉帳冷。也思親桑榆暮景。親祝付。知他記否。空自語惺惺。

〔生〕寬心須待等。肯戀花柳。甘為萍梗。只怕萬里關山。那更音信難憑。須聽。我沒奈何分情破愛。誰下得虧心短幸。〔合〕從今去。相思兩處。一樣淚盈盈。

〔旦〕官人。你去千萬早早回程。〔生〕卑人有父母在堂。豈敢久戀他鄉。

〔鶴沖天〕〔生〕萬里關山萬里愁。〔旦〕一般心事一般憂。〔生〕親幃暮景應難保。客館風光怎久留。〔生下〕〔旦〕他那裏謾凝眸。正是馬行十步九回頭。歸家只恐傷親意。各〔閣〕淚汪汪不斷流。

終〔纔〕斟美酒淚先流。郎上孤舟妾倚樓。

片帆斷送〔漸遠〕皆回首。一種相思兩處愁。

丞相訓女

拈針刺繡香閣內
卻守閨門莫放閒

〔齊天樂〕〔外〕鳳凰池上歸環佩。袞袖御香猶在。榮戟門前。平沙堤上。何事車填馬隘。星霜鬢改。怕玉鉉無功。赤烏非才。回首庭前。淒涼丹桂好傷懷。

〔花心動〕〔占〕幽閣深沉。問佳人。為何懶添眉黛。針線日長。圖史春閒。誰解屢傍妝台。絳羅深護奇葩小。還不許蜂識鶯猜。〔丑〕淨笑瑣窗。多少玉人無賴。

〔占〕爹爹萬福。〔外〕孩兒。婦人之德。不出閨門。你如何不省得。我這幾日出朝去。見說幾箇使喚的。在後花園閒耍。皆是你不拘束。

〔惜奴嬌〕杏臉桃腮。又當有松筠節操。蕙蘭〔蘭〕襟懷。閨中言語。不出閨闕之外。老耄耄〔姥姥〕。不教我孩兒伊之罪。惜春。這風情今休再。〔合〕記再來。但把不出閨門的。語言相戒。

〔占〕堪哀。萱室先摧。歎婦儀姆訓。未曾諳解。蒙爹嚴命。從今怎敢不改。老耄耄〔姥姥〕。早晚望伊家將奴誨。惜春。改前非休違背。〔合前〕

婦人不可出閨門。多謝家尊愛育恩。

休道成人不自在。須知自在不成人。

伯皆上途

別卻雙親赴帝畿
恒願皇都著紫衣

登途遇友

常懷步月登雲志
盡作攀龍附鳳人

解鞍沽酒

野橋新店相投宿
無限繁華樂客情

〔滿庭芳〕〔生〕飛絮沾衣。殘花隨馬。輕寒輕暖芳辰。江山風物。偏動別離人。回首高堂漸遠。歎當時恩愛輕分。傷情處。數聲杜宇。客淚滿衣襟。

〔末〕萋萋芳草色。故園人望。目斷王孫。謾憔悴郵亭。誰與溫存。〔淨。丑〕聞道洛陽近也。還又隔幾箇城闌〔闌〕。〔合〕燒〔澆〕愁悶。解鞍沽酒。同醉杏花村。

〔生〕千里鶯啼綠映紅。水村山郭酒旗風。〔淨〕行人如在畫圖中。不暖不寒天氣好。〔丑〕或來或往旅人逢。〔末〕此時誰不歎西東。

〔甘州歌〕〔生〕衷腸悶損。歎路途千里。日日思親。青梅如豆。難寄隴頭音信。高堂已添雙鬢雪。客路空瞻一片雲。〔合〕途中味。客裏身。爭嫂〔如〕流水蘸柴門。休回首。欲斷魂。數聲啼鳥不堪聞〔聞〕。

〔末〕風光正暮春。便縱然勞役。何必愁悶。綠陰紅雨。征袍上染惹著芳塵。雲梯月殿圖貴顯。水宿風餐莫厭貧。〔合〕乘桃浪。躍錦鱗。一聲雷動過龍門。榮歸去。

紫綬新。免教妻嫂笑蘇秦。

〔淨〕誰家近水濱。見□〔畫〕橋煙柳。朱門隱隱。鞦韆影裏。牆頭露出紅粉。他無情笑語聲漸杳。卻不道惱殺多情牆外人。〔合〕思鄉遠。愁路貧。豈如千度謁侯門。行看取。朝紫宸。鳳池鰲足展絲綸。

〔丑〕遙望露藹〔霧靄〕紛。想洛陽宮闕。行行將近。程途勞倦。欲待共飲芳樽。垂楊瘦馬莫暫停。只見那枯樹昏鴉棲盡。〔合〕天將暝。日已曛。一聲殘角斷樵門。尋宿處。步緊行。前村燈火已黃昏。

〔餘文〕向人家忙投奔。解鞍沽酒共論文。今夜雨打梨花深閉門。

江山風物自傷情。南北東西為利名。

路上有花並有酒。一程分作兩程行。

五娘臨鏡

燕爾新婚席未溫
春闈催赴覲楓宸

對鏡梳妝

懶將舊日蛾眉掃
怕覩雙雙紫燕飛

〔破齊陣〕〔旦〕翠減翔鸞羅幌。香銷寶鴨金爐。楚館雲間。秦樓月冷。動是離人愁思。